

CURSO ESCOLAR 2020-2021

Estimadas familias,

Nos vindeiros días faremosvos chegar o Plan de adaptación do noso centro á situación COVID 19 no curso 2020-2021, para o cal tomamos como base as últimas instrucións publicadas

http://www.edu.xunta.gal/portal/sites/web/files/instruccion_adaptacion_protocolo_31-08-2020.pdf

Ademais como xa saberedes, este ano o inicio do curso escolar farase de forma gradual, seguindo as instrucións da Consellería de Educación:

https://www.edu.xunta.gal/portaldireccion/sites/diredu/files/novas/files/resolucion_incorporacion_gradual.pdf.

Aínda que non podemos confirmarnos horario, si indicamos as datas previstas de comezo de curso dependendo do grupo:

<i>Grupo</i>	<i>Día comezo curso</i>
1º e 2º ESO	Mércores 23 de setembro (*)
1º curso Ciclos Formativos de Grao Medio e Superior	
3º ESO	Xoves 24 de setembro (*)
2º curso Ciclos Formativos de Grao Medio e Superior	
4º ESO	Venres 25 de setembro (*)
FP Básica de Automoción e Informática	

Datas de inicio do curso 2020-2021

(*) Estas son as datas previstas segundo as últimas novas, aínda que estamos pendentes de comunicación oficial.

Indicamos tamén as portas de acceso ao centro para o vindeiro curso, así como os horarios de Entrada e Saída segundo o grupo, aínda que **poderían sufrir modificacións en función da adaptación á situación xerada pola COVID-19 e ás disposicións que as Consellerías de Educación e Sanidade poidan publicar nos vindeiros días.**

GRUPO	PORTA ENTRADA/SAÍDA	HORA ENTRADA	HORA SAÍDA
1º ESO	PORTA 2 (Xardín traseiro)	Mañá: 8:30h Luns tarde: 16:20h	Mañá: 14:00h Luns tarde: 17:50h
2º ESO	PORTA 2 (Xardín traseiro)		Mañá: 14:05h Luns tarde: 17:55h
3º ESO	PORTA 1 (Entrada principal)		Mañá: 14:00h Luns tarde: 17:50h
4º ESO	PORTA 1 (Entrada principal)		Mañá: 14:05h Luns tarde: 17:55h
FP Básica Informática	PORTA 1 (Entrada principal)		Mañá: 14:05h Luns tarde: 17:55h
FP Básica Automoción	PORTA 1 (Entrada principal) para materias comúns PORTA 3 (Automoción) para módulos específicos		Mañá: 14:05h Luns tarde: 17:55h
Ciclos Formativos (SMR e ADM)	PORTA 1 (Entrada principal)	8:35h (16:25h as tardes con clases presenciais)	Mañá: 13:55h (18:10h as tardes con clases presenciais)
Ciclos Formativos Automoción e Soldadura	PORTA 3 (Entrada Automoción)		

Portas de acceso e horarios de Entrada e Saída

MEDIDAS XERAIS COVID

Para adaptarnos á actual situación COVID, o Centro seguirá as instrucións indicadas polas Consellerías de Educación, Universidade e Formación Profesional e de Sanidade, aínda que estas medidas poden variar por razóns organizativas ou por cambios nas instrucións do Protocolo:

- O centro disporá dun plan de sinalización para indicar portas de entrada e saída, direccións e sentidos nos corredores, escaleiras, etc.
- Tamén contará con cartelería indicando medidas de hixiénicas e de prevención en entrada, corredores, aulas, talleres, zonas comúns, baños, etc.
- Uso obrigatorio de máscaras para toda a comunidade educativa (alumnado, persoal docente e persoal non docente), durante toda a xornada lectiva e en todo o recinto escolar.



De maneira excepcional, ao inicio de curso, proporcionarase a todos os membros da Comunidade Educativa un kit formado por dúas máscaras hixiénicas, reutilizables e certificadas, segundo normativa española UNE-0065 e europea UNE-CWA 17553:2020, acompañadas por unha bolsa do mesmo material. Estas máscaras son confeccionadas con materiais biodegradables e fabricadas en Galicia.

Para esta dotación, contamos coa colaboración económica de **ANPA RONSEL**.

Ademais estamos vendo a posibilidade de mercar novas máscaras. En canto estean dispoñibles, e se vos interesa, poderedes adquirilas.

- Xel hidroalcohólico nas entradas ao centro escolar, nas aulas, corredores e nas saídas dos baños.
- Todas as aulas e espazos comúns, ademais do xel hidroalcohólico, contarán con desinfectante e panos desbotables cos que o alumnado poderá limpar a súa zona de traballo cando se estime necesario.
- Ventilación natural durante as clases.
- Ventilación completa nos recreos e horas nas que non se utilice a aula.
- Reordenación e adaptación de espazos tanto interiores como exteriores co fin de manter distanciamento e evitar mesturas entre grupos.
- Modificación temporal e excepcional da xornada escolar, graduando entradas e saídas, segundo o cadro ***Portas de acceso e horarios de Entrada e Saída***.

Posto que os buses teñen como hora habitual de chegada as 8:20h, o persoal docente esperará ao alumnado nas aulas a partir desa hora, para que poidan entrar sen aglomeracións nin formar grupos nos corredores.

Á hora de saída, farase tamén de forma gradual, para favorecer a subida aos buses sen aglomeracións.

Cada hora saída, estará sinalizada por un sinal acústico.

- A limpeza no centro sempre foi diaria, tanto en espazos comúns empregados polo alumnado, como nas aulas e nos baños. Durante este curso incrementarase reforzarase a limpeza, establecendo diferentes horarios para o persoal de limpeza, de forma que poidamos contar cunha persoa durante a xornada escolar en horario de mañá, para realizar desinfección de baños, varandas, pomos de portas, espazos comúns e de tránsito, aulas complementarias que poidan ser utilizadas por varios grupos, etc. No horario de tarde, contaremos con dúas persoas para a limpeza e desinfección máis profunda dos diferentes espazos.
- Co fin de conseguir que os diferentes grupos de alumnado teñan o seu propio espazo, sen que se mesture alumnado de diferentes aulas, realizarase a seguinte distribución horaria dos recreos (1)

CURSO	1º RECREO	2º RECREO
1º e 2º ESO	10:10h – 10:30h	12:10h – 12:30h
3º , 4º ESO e FP Básica	11:00h – 11:20h	13:00h – 13:20h

- (1) Únicamente se establecen os horarios de recreo para alumnado de ESO e FP Básica, posto que se optou pola flexibilización dos mesmos para o caso de alumnado de Ciclos Formativos, os cales poderán realizar os descansos en calquera momento que non coincida cos xa fixados na táboa, en función do organización dos módulos.
- Estableceranse varios espazos tanto interiores como ao aire libre de uso nos recreos.

A utilización destes espazos será rotatorio segundo os días e as condicións meteorolóxicas, de xeito que os grupos de alumnado non se mesturen.

ESPAZOS AO AIRE LIBRE	Pista polideportiva	Patio dianteiro	Patio traseiro		
ESPAZOS INTERIORES	Pavillón (zona 1)	Pavillón (zona 2)	Ximnasio	Biblioteca	Salón de actos

- O uso de aseos estará organizado por plantas e grupos, do seguinte xeito:
 - Aseos planta baixa hall: Alumnado de SMR, ADM e FPBásica (aforo: 2 persoas)
 - Aseos planta primeira: Alumnado de 1º e 2º ESO (aforo: 1 persoa)
 - Aseos planta segunda: Alumnado de 3º e 4º ESO (aforo: 1 persoa)
 - Aseos automoción: Alumnado de Automoción e Soldadura (aforo: 1 persoa)



- Aseos electrónica: Alumnado de Automoción e Soldadura (aforo: 1 persoa)
- Aseos pavillón: Alumnado que ocupe este espazo durante os recreos (aforo 1 persoa).
- Nas aulas a situación dos pupitres é a que establece o protocolo elaborado pola Consellería de Educación e que determina a colocación dos pupitres en filas cunha separación de 1,5 metros con respecto de todos os postos que o rodean medidos dende o centro da cadeira. Á espera de instrucións oficiais, é posible que nalgún caso se poida manter a distancia de 1m colocando mamparas separadoras entre o alumnado.

Nas aulas con ordenadores, os postos estarán separados por mamparas individuais, xa que a distancia entre as cadeiras é inferior a 1,5 m.

- O aforo máximo da cafetería é de 8 persoas, para poder cumprir a distancia de seguridade de 1,5 m. As persoas responsables do servizo de cafetería deben cumprir as normas vixentes ditadas pola Consellería de Sanidade en cada momento e en cada situación.
- Habilitación dun espazo COVID para atender ao alumnado e persoal do Centro que durante a xornada escolar presente síntomas compatibles coa COVID-19.

Diante da sospeita de que un membro da Comunidade Educativa comeza a desenvolver síntomas no centro educativo, as medidas de prevención e control levaranse a cabo por parte do SERGAS en base ao documento técnico elaborado pola “Ponencia de Alertas e Plans de Preparación e Resposta”.

Na aula de illamento ou aula COVID, permanecerá o alumno ou alumna ata a súa recollida pola familia no centro educativo. Esta aula estará dotada con máscaras quirúrxicas, xel hidroalcohólico, luvas, panos desbotables e desinfectante. A persoa que desenvolva síntomas, utilizará unha máscara quirúrxica, mentras que a persoa acompañante debe utilizar unha mascarilla FFP2 mentras permanezca ao coidado do alumnado illado.

- Medidas de carácter formativo e pedagóxico. Ao longo de todo o curso traballarase este aspecto de xeito transversal e terá un carácter prioritario a prevención e hixiene fronte á COVID-19.

Liñas de traballo:

- De maneira xeral e puntual, organizaremos charlas informativas e formativas para alumnado e profesorado, impartidas por persoal sanitario, que nos asesorarán na prevención fronte á COVID-19.



- De forma transversal, aproveitaremos o Plan Proxecta na modalidade de Hábitos de Vida Saudable, no que vimos traballando por cuarto curso consecutivo. A través deste plan, intentaremos concienciar ao alumnado da importancia dunha alimentación equilibrada e saudable, acompañada da realización de exercicio físico diario, para o cal seguiremos desenvolvendo actividades como a dos “Almorzos saudables” e o “Quilómetro diario” durante os recreos.
- Estamos pendentes da aprobación da implantación dun Contrato-Programa, concretamente o da Liña 9 “Promoción da Actividade Física en Horario Lectivo”, no que pretendemos involucrar non só ao alumnado de ESO, senón tamén ao de FP Básica.
- A Aula Virtual vai ser utilizada por todo o profesorado e xestionada por profesorado membro do equipo TIC, sendo a coordinadora M^a Mar Senra Martul.

Dende o primeiro día comezarase a traballar coa Aula Virtual co fin de que o alumnado estea afeito a esta metodoloxía. Deste xeito, no caso dun posible gromo ou da necesidade de aplicar a medida de corentena con parte ou todo o alumnado da aula, estarán familiarizados co seu uso.

PROCEDEMENTO DE ACCESO AO CENTRO

Antes de acudir a clase, as familias deben:

- A medición de temperatura ou a avaliación doutros síntomas compatibles coa COVID-19 será realizada no seo da familia de forma diaria antes de acudir pola mañá ao centro escolar.
- Analizar sintomatoloxía que poida ser compatible co desenvolvemento da infección. No caso de que o alumno/a presentara sintomatoloxía compatible coa Covid-19 non poderá asistir ao centro educativo e él/ela ou a súa familia contactará inmediatamente co centro de saúde de referencia do alumno/a e con algunha das persoas membros do equipo COVID.

Ao inicio de curso, as familias firmarán unha declaración responsable de que os seus fillos e fillas acoden ao centro sen síntomas.

- Verificar que trae máscaras. O alumnado ten o deber de usar máscaras durante toda a xornada lectiva en todos os espazos do centro educativo, aínda que se cumpra coa distancia de seguridade. Será deber do alumnado levar unha máscara posta na entrada e outra de reposto, así como un estoxo específico para gardala en caso necesario (preferiblemente de tea).

É importante recordar que as máscaras que traerá en xeral o alumnado son cirúrxicas ou hixiénicas, e que non protexen a quen a leva senón ao resto de persoas, por tanto é imprescindible a responsabilidade colectiva para evitar o contaxio na comunidade educativa.



Non está permitido o uso de máscaras con válvula de exhalación dentro do centro escolar.

- Todas as aulas e espazos comúns contarán cun dispensador de xel hidroalcohólico para a hixiene diaria de mans. No entanto, recoméndase que cada alumno/a traia un bote pequeno de xel hidroalcohólico para momentos puntuais.
- O alumnado accederá pola porta de entrada que lle corresponda segundo o indicado na táboa *Portas de acceso e horarios de Entrada e Saída*.
- A continuación, dirixirase á súa aula respectando as indicacións e distanciamento. Unha vez na aula, ocupará o seu posto fixo na clase. (Recordemos que as aulas estarán abertas dende as 8:20h e que o profesorado agardará dentro para axudar na organización e evitar aglomeracións).

RESUMO MATERIAL Á ENTRADA AO CENTRO ESCOLAR

- Máscaras (unha posta e polo menos outra de reposto) gardadas nunha bolsa, estoxo, etc.
- Unha bolsa (preferiblemente de tea posto que permite a transpiración), onde gardar a máscara que se está a usar nos momentos en que se poida sacar, por exemplo para comer o bocata no recreo.
- Un bote de xel hidroalcohólico pequeno para momentos puntuais.
- Panos desbotables.
- Recoméndase traer todo isto nunha faltriqueira (“riñonera”) que lles vai dar a liberdade de acceder en todo momento e de modo sinxelo ao que ten no interior.
- Recoméndase tamén traer unha cantimplora para a auga.
- O material escolar (boli, lápiz, goma, etc), non se pode compartir, polo que será preciso que non esquezan traelo da casa.
- É tamén recomendable ter etiquetado todo o material que traian da casa (pode ser cun simple rotulador permanente).

REUNIÓN FAMILIAS INICIO CURSO

Este curso escolar as *reunións* de inicio de curso coas familias realizaranse *de modo telemático*, para os cursos de *2º, 3º e 4º de ESO e 2º de FP Básica*.

Nos vindeiros días recibiredes información concreta sobre datas, horas e instrucións para a conexión.



No caso das familias de **1º ESO e 1º FP Básica**, as reunións realizaranse de **forma presencial**:

- **1º ESO:** 15 de setembro en dúas quendas en horario de tarde. A convocatoria será enviada a través de abalarMobil
- **1º FP Básica:** Pendente do establecemento de data e hora.

Agradecemos toda a vosa paciencia e comprensión nestes momentos de incertidume e cambios continuos na organización do inicio de curso. Tede a confianza de que dende o centro estamos a traballar para que os vosos fillos e fillas se atopen cómodos no centro e para crear un entorno e uns protocolos seguros, atendendo ás recomendacións sanitarias e educativas, posto que o principal obxectivo para este curso é minimizar as posibilidades de contaxio na comunidade educativa.